



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 4. Desumpta ex cap. 4. Prophetæ Jonæ, in quo describitur,
quomodo JOnas indemnitatem Ninivitarum ægrè ferens, umbraculum sibi
fecerit, & typô arrefactæ hederæ sit à Deo redargutus.

[urn:nbn:de:hbz:466:1-61252](#)

vitia redière, teste Cornelio à Lapide ab Arbace vici, & ad Medos translati fuere. Pharao post multiplices plagas antiquam repetens crudelitatem, in voracibus undis & in infernalibus flammis tandem sepultus est. Canonicus quidam, ut memorat S. Bonav. in vita S. Francisci, à gravi infirmitate signo S. Crucis curatus, & admonitus, ut relapsum vitaret, priorem paulo post reversus ad luxuriam, perpetratam in domo alterius Canonici, totâ domo corruente solus periit, aliis, qui ibidem fuerant præsentes, penitus illæsis. Ejusmodi suppliciis territus Christiane Lector pœnitentiam age stabilem, cum actibus malis etiam exuendo habitum. Quod ut assequaris facilius, si deliquisti illicitis aspectibus, dic cum Jobo non verbis tantum sed & factis; pepigi foedus cum oculis meis, ut de Virgine quidem nec cogitem ultrà. Si peccaveris lingua, cum eodem dico: manum meam ponam super os &c. 39. cap. ut videlicet nec verbum ullum blasphemias, turpiloquium, detractionem, aut quidquam tale resonans mihi excidat. Si peccaveris manu, tunc cultrô mortificationis abscinde hoc membrum, id exigente Christo, Matth. 18.

Doctrina 4.

Desumpta ex cap. 4. Prophetæ Jone, in quo describitur, quomodo Jonas in demnitatem Ninivitarum egrè ferens, umbraculum sibi fecerit, & typò arrefacte hedera sit à Deo redargutus.

N.415. Considera: Plurimos peccatores imitari Jonam, umbraculum sibi facientem, quō ab immoderato solis æstu tegeretur. Hi enim, ut calorem solis Justitiæ divinæ, salubrî terrore eorum corda afflignantem abigant, umbracula querunt varia, frequentando lauta convivia, miscendô chartas & aleas, incumbendô venationi, spectandô lusus theatrales, ducendô hilares choreas. Verum sicut Jonæ, sic & his teste S. Scripturâ v. 5, citati cap. paravit Dominus vermem, qui percussit hederam, & exaruit. Vermis iste mala conscientia est, qui eorum corda tam grandi dolore cruciat, ut omnem voluptatum dulcedinem summa permute amaritudine. Eant ergo illi longinquis itineribus, quoquā libet, vermem tamen sui tortorem secum trahent, & eant licet cursoriis equis, non erit conscientiæ vermi difficile, eos sequi; tametsi vermis cæteroquin animal sit, quod non nisi rependō gra-

graditur. Eant ad chartas, ad ludos, ad choreas, ad convivia, ad theatra, comitem habebunt hunc vermem, coacti cum Propheta regio exclamare Psal. 50. *Peccatum meum contra me est semper.* Hinc non erit sapor in cibo & potu, non suavitas in concentu musico, non solamen in amicorum colloquio, non recreatio in lusu. *Quis unquam*, ait Innocentius lib. 1. de contemptu mundi : *diem duxit totum in sua delectatione jucundum?* quem non in aliqua parte reatus conscientie turbavit? Pessimus iste vermis in die serena obscurus est, in nocte terribilis, inter hysteriones excitat tragedias, & omnes jocos intercipit tristitia. Nierembergius de art. vol. 1. 2. c. 36. memorat: Pelusios parricidium vindicatores, cum diu pro flagitiis enormitate nullum torturæ genus par invenissent; tandem suò ingenio saevius quiddam excogitasse: pix scilicet matris naturæ ferulam conscientiam, sancientes: ut parricida tri-duo cogeretur spectare occisi cadaver, ut sic continuo sceleris hortatu puniretur reus omnium, quotquot excogitari possint, suppliciorum maximò. Quò facti genere videbantur insinuasse Pelusii: conscientia rodentis torturam, cæteris omnibus crudelitate suâ superiore esse. Paradisum quis nescit, fuisse sedem voluptatis, nec in eo vel accusatorem, vel Judicem, vel aliqua vindicativæ Justitiae instrumenta habuisse locum? ad duas tamen voces illas, etiam ore blandò prolatas: *Adam ubi es?* quasi fulmine ictus tremit Protoparens noster, fugit, abscondit se, & causam quæsitus reponit: *quia nudus eram.* Mentiris, à mendaci serpente deceptus Adam: non quia nudus incedis, sed quia peccator, à verme conscientia stimulatus incedis, ideo trepidas, ideo fugis, & extremas quæris latebras. At quas quæris, non repieres: non enim est asylo locus, ubi carnifex tergo inhæret, quod tuus o Adam? natu major filius Cain, & plures alii peccatores, posteri tui profitebuntur. Frustra ille civitatem ædificabit, fortissimò circumdatam vallo, quod metum excluderet: erit hostis pessimus intra mœnia, in ipsis animi penetralibus habitaturus, adeoque intestinò tumultu belloque turbabuntur intus omnia. Fiet inde, ut quemcumque sit habiturus obvium, credat sui intersectorem futurum. *Omnis, qui invenerit me, occideret me.* Genes. 4. S. Augustinus meritò lamentum illud ridet, quò Justi nonnunquam audiuntur conqueri Davidicis verbis: *Quare via impiorum prosperatur?* bene est omnibus, qui pravaricantur: ridet inquam hoc lamentum Augustinus, & causantrissus exponens ait Serm. 28. de vit. Apost. *Cum illo, nempe impiis, pœna sua est.* Si haberet in cubiculo

Bb bb

le

lo suo tortorem carnis impunitus esset. Habet in secreto cordis sui tortorem conscientia sue, & impunitus vocatur? hoc est, quod Deus per Prophetam suum Jeremiam cap. 14. intonat in peccatores, dicens : *effundam super eos malum suum.* q. d. non ego manum ponam ad flagella, quibus castigem eos : sufficiet, eos propriis culpis, omnī flagellō meō acerbioribūs, puniri. Hinc S. Ambros. peccatum viperæ partui comparat, quæ propriæ Matris pectus discerpens atque dilacerans eidem crudelissimam insert mortem. Juvenem ajunt Ferariæ vixisse, firmæ ut apparebat valetudinis: verū spem vitæ longioris ei mox inopinā morte fuisse intercisam. Adductos quamprimum, ad dicendam de hoc mortis genere sententiam Medicos, nil decidisse prius, quam emortui adolescentis dissecutum cadaver inspexissent, in quo cūm pulmones, jecur, splenem, ac cætera membra reperissent integra, nullaque tæbe afflata, ne dum corrupta, in solo corde tandem invenisse vermem, illud feedè dilaniantem : erutum inde variisque liquoribūs, quibus suffocaretur, immersum, innatasse omnibus, donec in succum, è cepis alliisque expressum conjectus, & natare, & vivere desierit. Poterant utique Medici, nī experimenti capiendi causa id egissent, unā statim contritione extinguere hunc hostem. Hoc ipsum poteris & tu Christiane Lector! si sentias vermem rodentis conscientiæ: unicā pectoris contritione opus erit confessioni conjuncta, sicque ab immani ejus lanena aternū securus vives.

FASCICULUS LXVII.

Doctrinarum Moralium & Asceticarum.

Doctrina I.

Desumpta ex cap. 1. & 2. lib. 1. Machabeorum, in quibus describuntur Alexandri Victoria & mors. Antiochi illustris Victoria. Despoliatio Templo Jerosolymitani. Mathathia luctus, fortitudo.

N.416. Considera: **Q**ualis tandem finis Regum Potentiam & grandes eorum Triumphos Victoriasque coronet. Alexander interfectis tot Regibus, subactis tot Populis, expugna-